

兩浙輶軒續錄

兩浙輶軒續錄卷五目

沈文豪 吳大受 欽連 柴世堂 柳之元

陳皋 邵宗元 吳邦熙 朱絲 徐斐然

應際盛 胡儋 包大璫 章袁梓 蔡賜勳

陳昌泗 魏基 謝緒敬 林文懋 馬正倫

馬正任 朱槃 俞維墉 郭懋嶸 謝宜相

金豫 呂伊 龔之銑 諸朝棟 黃泓

朱承弼 徐維城 費金珪 陳夢蓮 王漢

倪繼祖 徐宏仁 朱之溥 周本孝 范肇新

吳一楨 施淞濤 周雯 俞志虞 凌大田

李傑 陳象曦 施有恩 項又斯 丁鵬南

葉耕 王廷瑜 喻學鈞 謝起龍 沈昌宇

裘肇煦 沈遇黃 蘇大振 趙泰 鍾彝鼎

沈時階 范珏 張敬業 姜天麒 包之麟

詹文煥 詹能績 何斗文 吳四古 余國士

汪先舒 柳葵 周朱耒 周鼎 袁澄

章練 徐世桓 黃百穀 胡維炳 王裕霏

吳倫 鄭繼坤 沈鉞 羅崑 烏王路

徐文燮 謝應龍 徐爾燮 嚴錫綬 翁雲

方錫綱 邵雋 朱更 洪義荆 曲映台

謝緒章 俞洵騶 程川 謝善祚 應紉穎

王玉生 徐金位 褚鳳翔 丁正中 韓玉儉

趙登高 朱鵬圖 陳于前 徐凱 徐斯敏

施其恂

兩浙輜軒續錄卷五

督學使者潘衍桐訂

沈文豪

字再歐錢塘人雍正癸卯進士官翰林院編修

浙人詩存先生詩婉麗有齊梁風

獨坐

枯坐如禪定澄清止水俱妍媸形古鑑懷抱秘靈珠石卧侵
苔老冰堅立鶴癰兩山排闥好安事厯崎嶇

吳大受

字子博號牧園歸安人雍正癸卯進士官翰林院檢討

孫辰東傳略牧園詩力追唐人間出入石湖遺山之閒
既家居與名宿為文酒之會所居文石山房坐客常滿
分韻賦詩有時泛一艇流連腸詠多在城南山水間
今尚傳雙溪唱和諸作其他散落盡矣

棲賢山看梅飲施氏山莊

翠山迢遞蒼靄縈松聲泠泠澗壑清峰迴溪轉權初入春風
澹蕩千花明乍見數株繁蕊澗素影曳空粉絮結須臾晃耀

銀海搖矚若三峰兩峰雪皎姬窈窕羅四周縞袂練幌揚輕
眸三神之山有與否羣真何爲歛來游玉笙瑤管響縹緲鸞
鶴叫嘯求其儔人家盡在青霧裏一帶疏籬隔谿水其愛寒
香屐齒穿誰識踰山已十里十里野梅氣氤氳出谷頓覺西
日曛回看花氣半欲暝欲度不度空天雲行過棲賢嶺還尋
西塞渡爲問當時高士居山童指引梅多處主人愛客開南
軒藉草醉舞情飛翻眾山入暮鳥千轉四座皆靜琴一言宵
然非復在人境久坐仰睇參橫昏何時結茅來卜宅繞屋參
差樹三百綠烟吹盡梅影斜山樓一片霜華白

癸丑視學楚南過愚溪柳祠因憶康熙甲辰先大父奉
使交趾道經柳祠題詩刻石今碑不可得見慨然作
此命刻石祠中

司馬羈留十載遲愚溪畔繫愚詩竝時才力韓公筆異代
江山屈子思持節憶曾題斷壁攀蘿何處覓殘碑風流耆宿
都消歇依舊荒祠枕水湄

欽

連

字寶光號幼晚斐子長興人雍正癸卯進士官江蘇南匯知縣著虛白齋集

縣志連知南匯時縣新設規畫得宜題署松江府事飛
語落職起知高漕江浦江甯所至皆有能聲築海塘指
陳利弊卓卓可傳文詩集外並著有幼
晚游艸六卷吳中水利記南匯縣志
吳興詩話連宰南匯兼署上海多惠政曹一士贈
以五古有古循吏風其燕市雜詩足補日下舊聞

重築扞海塘紀事

雲閒東環瀛海碧波淼淼蛟蜃窟開元天子廬東南築塘
扞海如山屹遂令滄海變桑田夏麥秋禾民樂業迄今千載
塘浸圯齧足衝腰一綫窄中間修葺亦時聞東苴西補究何
益余昔剖符新造邦目覩殘隄心慄慄上書反覆數百言雍正

丙午余宰上海新分之南匯當路悠悠置不答未幾余亦解

屢請修築書載南匯縣志

官去荏苒星霜又四易吁嗟天幸不可常奇災一旦生倉卒

壬子七月十五夜鯨噓鼉噫龍戰血頃刻橫溢穿城闐縱欲
竄匿已無及可憐海濱千萬戶夢中齊赴蛟龍宅大吏驚聞
奏

九重分遣僚屬徧存恤余亦奉使南邑來城郭人民感疇昔
遺民痛哭爲余言吾儕生本傍海穴田廬歲歲怕秋潮隄防
全仗一塘力如何束手任廢壞致使吾民遭異戾微軀如拾
暫偷生茲塘不築終魚鼈余聆此言一長歎集議盈庭幾饒
舌漢陽徐君蘇州守侃侃力贊數言決

前蘇州太守徐君飛名丞佑漢陽人也

章上達

帝曰俞金錢十萬非所惜正月始和鼙鼓鳴丁夫雲集不須

檄乃知舉事從民欲筋骨雖勞意歡悅祇恐斯事民未諳先
期告誡頗歷厓址惟寬厥巔銳坡須走馬背須鯽老木爲
杵堅築基巨石如盤空際擲層層椎擊土膏凝注以清泉闕
不泄更栽嫩草護新壤盡塞古涵彌舊隙塘舊有涵洞數處今俱築塞海潮消
滴不吾民奉令踴躍趨奮力爭先如赴敵汗日蒸雲肯少休
羣工次第胥底績工始於癸丑春正月竣於本年夏六月蜿蜒長隄三萬丈塘
奉賢縣栢林城北起至寶山縣吳淞江口止長二萬九千八百五十餘丈百尺巍峩聳天闕怪物
屏息灾黎安億萬斯年沐

帝澤余忝董率日驅馳是役承築五十人余與漢陽徐君總理幸藉諸君免隕

越作書紀事代貞珉增修勿墜望來哲

歲朝萬玉庵看梅湖府志云梅爲宋時植埋沒荒蔓中 國朝知府吳綺搜剔出之

西郊梅最古影傍石欄斜根浥前朝露枝開隔歲花風流傳

太守

謂吳園次

幽冷屬僧家不用羅浮去橫看萬樹霞

柴世堂

字陞陞號胥山紹炳子仁和人雍正元年舉孝廉方正著胥山詩鈔

章豈績曰胥山幼有至性七歲而孤以孝稱生平砥節

詔舉

孝廉方正當事以胥山應

時已年踰花甲固辭不就

望維揚

東南佳麗地自古說江都遠岸連歌吹洪波接舳艫迷樓勞

想像隋苑盛規模明月橋將近應先訪大巫

曉發莊浪

曉發莊浪道餘寒戀客裘山留殘雪白溪逐斷冰流戎馬書

生淚鶯花故國愁腰間羞短劍慚愧只依劉

京江

北固樓高隱暮林樓邊事業幾消沈長江勢險分南北鐵甕

城孤閱古今劉尹荒廳殘照滿孫郎斷冢亂雲深舟人慙慙
都能說指點中流思不禁

卧龍岡謁諸葛武侯祠

蜀相勳名本卧龍千秋祠廟弔遺蹤王圖雖僅三分業臣節
應爲百代宗石碣篆文荒蘚蝕茅廬古路斷雲封黃冠指點
躬耕處山雨初收紫翠重

李白樓

久飲香名太白樓詩仙酒聖舊風流揚帆何幸來今日攬勝
欣然到上頭風月可堪誰是主江山如爲我常留先生倘亦
容乘興一葦平分萬頃秋

柳之元

字文長雲和歲貢雍正元年舉孝廉
方正官臨海訓導著唾餘艸松楸集

府志之元性孝友家貧力學工文精書畫尤好吟咏陽
羨盧進士士登寓著溪極賞之所著有讀史問評章安

校士錄甲寅
耿亂小識

金邨橋小憩

四望蒼山翠蹊邊碧水流荒邨餘虎跡古樹護龍湫稚子收
殘黍樵夫牧老牛偶來橋上坐心事劇清幽

送盧士登歸陽羨

衰柳何堪折無心縮別離已分南北地正值雪霜時客袂淩
風迴征途過雁遲誰論千古事獨有寸心知

九日遊雲際山次王去盈韻

孤峯特出片雲來靜愛山僧兩不猜白社尋詩宜煮茗元亭
問字喜銜杯乍披細雨霏蘭徑忽報秋風拂露臺滿眼丹楓
蟲自咽枯棋一局任徘徊

陳 臯

字江臯號對鷗錢塘貢
生著吾盡吾意齋詩

杭郡詩續輯對鷗家承易學深明河洛圖書相為經緯
相為表裏之義貧不能家食走津門主于斯堂查氏從
吳通守東壁研究三禮繼游廣陵與其兄授衣皆主玉
山堂馬氏時廣陵社事繁興爭以得其兄弟為勝對鷗
又工倚聲時從樊榭印
正著有對鷗閣漫語

馬耕田

庚申春予於葛沽道中見一馬服轄牽犁於畎畝閒
骨高形毀躑躅不進而搥策頻加為之太息爰賦長
歌用告世之役物者

燕郊二月興農工有馬服輓行田中宛轉局促似不進夕陽
影瘦如山崇回毛在膺已無取神駿沮喪韓盧同萬里有志
不得騁四躑空說能追風道傍側聞聯騎過昂首自謂來朋
從長嘶一聲蹶耒耜振鬣燦燦明雙瞳誰知牧者不釋手控
羈收勒鞭無窮依然引犁入壠去平生夙志疇能庸憶吁噉

悲哉吾聞錦不作，恰稻不齋以鳳司晨。不若雞世無通材，胡能全用違所長。適足憐君不見馬耕田。

屋上草

天津地濱海，其土斥鹵。每行數里，不接草色。而於屋上，草何油油葳蕤，不斷搖輕柔。晚來凝望，疑敦邱仲夏。五月中積雨交，綢繆連牆蔓瓦引，欲遍翹煙薰翠如芳洲。仲蔚庭前無一莖，開軒對爾常懷羞。謝家池塘不入夢，雖有好句吟，何由牛羊不來齧。車轍不得蹂，湛露每先泔。輕塵難飛浮，蔥蒨頗自有驕色。仰面居然人上頭，所寄固得地。所處無太崇，不見風雨橫。杜陵飛破茅三重。

觀打棗

秋光如水啼畫胡隔牆紅皺垂扶疎羣兒歡躍集其下長竿
纍纍搖庭隅撲撲簌簌擾樹影須臾亂落紛墜除草根糞壤
已遍及餘散鄰瓦猶跳珠小童卻走大者疾強者劫奪弱者
呼當門中婦抱兒立懷閒出手聲呱呱藤筐竹簍盡盈積手
提肩舁爭收儲全家婦子有娛色嬉嬉相告無艱虞賓至可
以供盤飢報祭猶得修邊腹來朝摒擋入城市易得錢刀輸
官租餘者亦可助釀用醉飽今歲稱樂胥聞之頗爲三太息
倚樹翹首心踟躕我無寸田并尺塊終歲碌碌風塵驅焉得
安邑三百樹不羨江陵千木奴

孝子篇

坐閒有客述保定劉子事感而成賦名孝子篇

客從保陽來爲言劉孝子親死未能葬鬻女爲經理單身居

家聞妻沒不歸視一客聞之曰自負土可耳一客又若曰自
鬻身可已何必鬻女爲方始克成是子則弗然曰俱非知孝
子古不可行今負土將安至女身同己身身鬻誰爲事哀哉
孝子心唯知親而已哀哉孝子心實有難處此不見東家郎
親喪歲逾紀惑彼形家言三尺終未壘因循至朽化久之等
敝屣讀子孝子篇能無顙有泚

坐攬翠軒看新柳有懷維揚小玲瓏山館諸同好

一月不出戶春光如此饒參差楊柳色十五女兒腰落日閒
牽挽誰家正踏謠相思起天末都在短長橋

五平五仄體

秋空雲澹鮮眺聽耳目徹星疎牽牛明月側顧兔缺宵良更
逾長客久思益切牕燈搖無眠露葢四壁咽

邵宗元

字春賦仁利歲貢著半畝園詩草

病中有懷升來

伏枕經旬強自支過從無便慰相思病多漸覺衰年促才短
難蒙國士知壯志冷于霜底月塵緣澹似夢甲詩何當共采
東籬菊桂醕新斲好對持

吳邦熙

字且兮謙益子仁和諸生

讀書葛嶺喜杭堇浦龔南陔過訪

天風吹客至攜坐薜蘿陰黃鶴去不返白雲迷更深入山秋
氣早向夕磬聲沈話久不知倦月明松樹林

朱

絲字以陶海鹽人著雪芽幽谷等集

吳軫父曰以陶嘗容吳戢山觀察幕後吳遭誣逮獄禍
且不測三千里赴其難竟卒於邸舍初授室一歲卒不
復娶撫兩孤姪如子無所嗜好枯寂如浮屠云

曉登吳山頂望三仙閣

峻絕吳山頂憑高四眺遙海風吹島樹人語落江潮丹竈雞
聲月青雲鶴背簫神仙如可接直欲問三喬

徐斐然

字鳳輝號敬齋歸安諸生

許仁杰曰先生為鄒城孝廉繩甲之子母夫人錢乃竹垞外孫女也先生學承家術工古文辭嘗選今文偶見國朝二十四家文鈔為世推重著有敬齋僅存稿文一卷為其妹葉昭所編刊

秋風三疊送許恆之 并序

丁丑之秋九月既望許子恆之歸自會稽將之南昌

同好數人集于南谿楊子之術隱山房飲酒賦詩以

餞其行予文辭未工聊做邢惇夫秋風三疊以寫懷

焉同飲者為陳大自天楊大源遠徐二鳳輝王七鳳

翥鄒大長孺辭曰

秋風蕭瑟兮葭菼蒼蒼有美一人兮將適豫章黯淡兮行塵
瀟灑兮詩囊欲往從之兮未遑鳥嚶嚶以求友兮胸皎皎而
在場嗟余離羣而索居兮孰與翱翔願言思子兮徒引領而
相望

秋風襲人兮白露未已駕言出遊兮維此良士朝遶迤兮巖
阿夕流憩兮江市匡廬之山兮彭蠡之水願言思子兮誰堪
此

秋風多厲兮草木凋浮雲色變兮蒼天高馬蕭蕭兮車遙遙
瞻伊人兮迢迢薰以香兮自燒膏以明兮自銷蓋守道而食
貧兮蹇何爲兮飄搖願言思子兮使我無聊

應際盛

字滄鵬號穆堂錢塘人雍正

浙人詩存先生歷官有循聲公餘每旁及
稽事詩格新奇理致清贍足以宏長名流

午倦

把卷思沈冥蕭然遊太虛
槐柯銓太守梧影蔭華胥
身世嗟萍梗荒蕪憶草廬
流光不再午迴顧自護蘧

書意答柴次山

三徑清風惟借竹一簾疎
雨慣傭書閒情灌菊親
幽逸世事看雲任卷舒
錦杼秋蟲難織就牙鉞
病蠹食殘餘多君好語
溫相慰只是蓬蒿仲蔚居

胡

儻

字大任號肩宇鎮海人雍正癸卯舉人官江西瀘溪知縣

茅洋秋景

杖錫尋幽處茅洋露氣香
曉珠同皎潔夕照半輝煌
霜染松楸色波搖薜荔牆
中饒雲子石破滅足秋糧

東坡詩破滅山僧憐耿介

包大璫

字積山錢唐諸生

湖上晚步

傍晚湖邊路無人自往還薄雲依古塔淡月冷孤山歸院殘
僧少休巢眾鳥閒悠然塵世外不復問人間

章袁粹

字蘄齋錢塘諸生

抗郡詩續梅蘄齋有潔癖好神仙吐納之術欲求長生而卒不驗詩如梅人坐靜踏雪鶴行徐風枝挑瓦墜石筍引藤纏花香夾路人歸緩水影搖天月上遲皆可誦

睢陽客興

幾度飄蓬動客嗟况逢遲日感韶華階前屐響誰看竹月下
煙飛自煮茶游騎踏殘零露草幽禽銜過隔牆花尋芳孺子
知時節也著新衣到酒家

蔡賜勳

字鼎書被傳孫德清諸生

家傳略賜勳性疏淡有瀟灑出處之致生平著述甚富兵燹後存者鮮矣

兩浙輞軒續錄

卷五

章袁粹 蔡賜勳 陳晉淵

玉塵晴雲

山如蒼珮淨纖埃錦繡晴光迤邐開舒卷恍同披絮影氛氲
低護講經臺青松澗底隨龍起紅葉峰頭送雁來小憩僧寮
堪共話清談還想晉時才

月泉桂影

名勝曾傳六一泉水中破鏡別成天小山試擬淮南賦大手
誰題太守篇月泉有東坡紀遊石刻詩詩見邑志金粟拋時浮細浪木犀悟澈
證前緣迄今古寺僧頻汲為問何年影復圓

陳昌泗

字魯水號南塘鄞諸生著旅遊懋老諸集

全祖望撰墓誌昌泗造詣純篤言行不苟以京房易傳賣卜巧發神中其持論如嚴莊必依於孝弟忠信不徒以禍福休咎動人眼則垂簾焚香賦詩自遣忘其窮也古文學朱子詩亦似之
中秋前一夜懷朱靜軒時往西安未至

有酒共誰醉清樽一任空秦關誇最險明月得無同露洗華陽嶺秋寒好時宮歸時楓正老痛飲看霜紅

秋杪張松客招飲正東山真覺寺

高陟東山頂能令老眼開溪流隨路轉秋色傍雲來萬戶依林麓雙城抱水隈憑欄饒勝覽冷卻主人杯

魏

基

字光初號敬亭慈谿人著竹軒詩集

雲山

吾廬雲山下山頂白雲飛何曾向空盡薄暮自來歸我欲耕山雲雲深入翠微微雨潤巖花花枝撩人衣聽松坐潭上潭影相因依遙傳縹緲處一片落雙扉

夜泊卽景

夜靜千山寂江空一棹輕西風游子夢秋水故人情鷺立沙

無際魚吞月有聲天邊聞過雁相叫更淒清

豐谿道中

塔影千山外秋聲碧樹閒浮雲移自動落葉問誰刪馬首西
風倦羊腸客路艱夕陽飛點點倦鳥亦知還

東歸上白帝城

一櫂春風萬里迴江城一上一徘徊瀾滾滾中流去巴國
茫茫入望來谷鳥呼雲樓古廟林花映日落荒臺陣圖猶自
堆魚復空使千秋過客猜

漫興

東風昨夜到山家岸柳依依欲放芽祇是春寒未解一簾
細雨夢梅花

謝緒敬

字人翼號小江又號小門鎮海歲貢官雲
和訓導著望道樓詩草守拙集志館草

縣志緒敬性孝友雍正四年與修浙江通志爲雲和訓導以薰陶多士爲己任纂輯括蒼文存未梓而歿

同鄭義門家漢倬子臨登候濤山

吾鄉東海隅地僻罕人至
帆帆候濤山烟霞負雄麗
誰擅詞賦工一寫旁薄氣
我懷數十年未敢下一字
因恐筆力孱翻滅此山勢
乘興每獨登姿態迭變異
况逢佳客來相將入雲
寺孤城浮蠡杯天水渺無際
怒潮轟石塘密若萬軍騎
龍甕架危梁雁隼振空翅
欲將六合寬束之方寸
細攜酒還上臺陶然恣懽醉

渡江坐雨

春江浩淼水朝宗
疏雨連隄灑碧茸
隔岸巒光沈翠黛
出關帆勢逐雲蹤
冥冥遠浦明船火
隱隱寒潮度晚鐘
去雁來鷗俱散盡
此行前路杳何從

林文懋字昭德象山恩貢官

縣志文懋幼孤母葛氏苦節撫之力學未嘗苟訾笑雍

正問聘修邑志主講丹山書院司教天台倡建學宮兩

石坊及明倫堂振興文教歸藁蕭然子喆字二雋貢生著苑江吟

陳其璜序略梅皋古今文妙絕一世弟子北面者履滿戶詩始兼吳越之勝

齊召南序略先生秉教吾台以經學為士子師詩尤高妙

策杖歸山卧白雲鐘鳴古寺隔溪聞桃源徑杳疑天外臘盡

春初一晤君

馬正倫字少微會稽人

自序略蓉邨為唐學士吳子華先生故里多芙蓉因以

名邨予家世居此嚴壑清幽不減山陰道上居閒無事

嘗與予季藥坡曠詠為樂共得詩若干首既而借容於

外涉江淮歷嵩洛聯牀話雨並聯吟風旅遊數年又得

詩若干首合成一編傲唐人李尚真昆季聯吟故事名曰花萼集而標以蓉邨師前賢誌勝地也

冬杪別魯鄰直歸芙蓉草堂

我來古宋桑初落此際別君梅發時透眼光陰如昨日滿頭
風雪是歸期本無奢願留何益若鑑前車去覺遲會掃柴門
望簷鵲芙蓉郵舍遍題詩

馬正任

字季堪號藥坡正倫弟

袁江九日呈少微家兄

先生早歲賦凌雲萬丈光芒思不羣縱飲人如唐太白棄繻
自許漢終軍空餘龍劍雙虹在莫惜鵬圖兩翼分欲脫儒巾
向邊塞叩囊還擬立微勳

朱

紫

字海樵海甯人雍正甲辰進士官順天永清知縣

府志朱紫釋褐下車首革淀河水圍無名供應百姓便
之在官五年不挈眷屬刻苦以勵名節河工學校治績
爛然陳文簡公極器重之

海昌備志藝文目朱繁著四書剛義傷寒論海樵題畫詩

題自畫牡丹

江東妙句落毫端紅蕊當心一抹檀羅隱牡丹句我已浮雲輕富

貴不應更寫此花看

俞維墉字奕韓錢塘人雍正甲辰舉人

浙人詩存先生少奉庭訓手不釋卷居心忠厚人欽重之

暮望

萬重山莽莽環遶一孤城海嘯風雲壯溪回湍瀨鳴浮圖殘

日照粉堞隔林平雁字橫斜落秋懷向晚生

郭懋嶸字嶽亭海甯人雍正甲辰舉人官甘肅河州知州

州志懋嶸歷宰秦安渭源碾伯平番皆西陲重地區畫兵屯及居民耕牧無失時失事尋以勞卒

秋夜

煙波萬里阻歸航一枕深秋漏轉長小院孤燈人乍夢中庭
斜月樹初霜何堪酒醒思前事那更宵寒憶故鄉況有征鴻
嘹唳甚爲誰攪我九迴腸

謝宜相

字贊王餘姚人雍正甲辰順
天解元官四川鄧都知縣

初春遣懷

劇愛看山不下簾荒蕪筆硯懶重拈灌園賸作貧中計啖蔗
虛思老境甜鸞杓酒空春雪冷鵲爐火活夜香添年來了悟
乘除訣那得熊魚味兩兼

金

豫字介石號冬川瑞安人雍
正甲辰拔貢官遂昌教諭

雨霽

入夕雨初歇涼生秋早還斷虹歸遠浦落日薄遙山柳溼鶯
聲滑風輕竹影閒孤吟誰與和曲澗水潺湲

呂

伊

字稼莘號耜

杭郡詩續輯耜堂家貧篤學嫉俗如仇常鬱鬱不得志非其意即肆諸口人咸畏之年將九十猶伏几誦禮記客問何為讀此曰吾耄老經書幸未忘惟此尚有遺者故溫習耳

仲夏集十硯齋分詠草木用東坡和子由記園中草木

韻得芭蕉

牆隅種芭蕉不數青青蒲中含沆瀣氣下垂蓮花須惜非歲寒質未及秋風枯窗前涼雨聲蕭騷落江湖山僧結茅處學書忘飢餓何當乞摩詰為寫雪中圖

龔之銑

字仲嘉號鐵庵之鑄弟錢塘人

舟至桃源奇明水兒

弟兄團聚乍連宵又為飢驅撥短橈故國鶯花方豔冶羈人情緒劇蕭條荒村古樹無春色細雨輕帆有暮潮一樣青青

河畔草不堪別後夢迢迢

諸朝棟

字字上號雪堂錢塘諸生著雪堂偶存二卷

登飛來寺

舟行蒼翠中仰覺天宇窄但聞幽鳥聲冷日穿樹隙峽東江水靜紆回見金碧峇堯飛來寺何年奮六翮
穢舟事幽尋步履任所適雜花不知名作意娛遠客攀蘿轉犖确時憩松下石飛泉挂空翠流響聲磔磔我來濯塵襟坐久清肝膈洗耳固多事漱齒亦何益還思窮幽勝靈境忽復闢雲氣拂衣裾煙嵐浮杉柏老衲驚客至迎詫指虎迹人生縈世網舉步苦踟躕遇勝且徜徉如舌啖膾炙舟子遠相呼歸路足盤躡

古詩寓金陵祇陀林作

林在萬作園側

幽蘭有本性空谷含孤芳豈樂供采折置君白玉堂玉堂多

佳人綺羅發異香華燈能炫目焉用明月光
琴空自張嗟嗟世上人耳目何茫茫吾其學漁父鼓枻歌滄浪

秋花滿堦下雨過顏色鮮莫嗟開太晚得氣有後先
東園富桃李此際胡不妍榮謝固有時大道任自然

黃

泓

字見中號慕鴻鐘子仁和
人考授州判署關中草

杭郡詩續輯慕鴻嘗渡河舟壞不死因自號水
餘生善指頭畫家有春華閣擅山石花竹之勝

晚渡京口

挂席出京口大江橫我前蒲帆半竿日漁子一簑煙浪激山
根峙洲遙樹影聯維舟傍瓜步回望欲寥天

朱承弼

字鄭谷海甯諸
生著說嚴詩鈔

家傳略鄭谷潛心經史尤精於易著有周易集義八卷
古文尚書辨四卷羣經輯問羣書考略各二卷均未刊

俟命

吾慕稷與契生逢堯舜辰吾悲孔與顏抑鬱空懷珍枉將少壯日誤逐兩馬塵得天理亦齊數命苦不均願惟聖賢志不以窮達論達則道可濟窮亦樂有真浮雲等富貴願俟甘長貧

徐維城

字韓浦嘉善貢生著默齋詩鈔

峨眉庵

乍識峨眉徑小橋溪半橫捎雲千竹冷供佛一燈清菊圃荒春草僧房起梵聲頓令心地靜我亦學無生

費金珪

字丹壑鄞諸生著我堂集

兩上續者舊傳金珪學詩於宗誼才甚高與胡奇佐范核相倡和皆不屑為世俗之音

和灌雪菜

雨浙輜軒續錄

卷五

徐維城 費金珪 陳夢蓮

十五

八八

畦蔬斯最美培植日宜加寒逼重陽雨秋依一塢花學原兼
稼圃人豈肖匏瓜有客閒相就鑪烟正沸茶

舟行卽事

三面雲遮一面開渡頭風急雨乘雷遠山斜日分明是不放
晴光入艇來

陳夢蓮

字仙佩號省庵鎮海人
著芝鹿園草留耕堂集

較川詩繫先生好古博學於諸經皆有箋註而春秋最
詳核陳介眉太史謝瞻在侍御皆推重之邑侯唐鴻舉
延修鎮海志文獻有徵與薛書巖王魯閣許孟
詳諸君稱熙正十子先生尤十子中之矯矯者

命酌月湖亭上對酒有作

玉露漙漙金風發湖光空明如鏡揭一輪明月千頃湖月氣
浮湖成溟渤滄桑人世隨時改月印湖心仍璨瓘湖月年年
送去人有酒不飲知何待四明狂客今在無舉杯邀之酒不

孤千秋亭子如可訪會須載酒浮鏡湖

王

漢

字英水蕭山歲貢著擁青堂集

永興集英水先生為康熙中名宿每試輒冠軍譽馳兩浙毛西河太史序其詩文合集以桑梓敬止相目嗣君

木上亦以歲貢有聲於時

遊越王嶒

日晚疲紆策清虛宿野堂泉鳴一夜雨月照萬山霜翠鳥喧
修竹寒花冷石牀機心自可息髣髴入羲皇

塞下曲

苜蓿秋深馬正肥祁連山下早霜飛軍中十萬橫磨劍齊發
芙蓉照鐵衣

倪繼祖

初名國澄字泰階餘姚諸生

春日閒居

五斤閣下讀

卷二

王漢倪繼祖徐宏仁

七

晴日荒園響桔槔
閒鋤花草遣牢騷
魚兒躍水荷珠亂
燕子衝風柳浪高一枕
優游堪自適
兩丸飛擲歎徒勞
深知富貴非吾事
且束雄心付濁醪

徐宏仁

字管齋上虞廩生

上虞詩集管齋翁學主躬行辨義利尤審雍正庚戌舉賢良方正乾隆丙辰舉孝廉方正皆力辭不就所訂四書訓詁不徇俗解自得古人深意

風日晴美友人邀泛鑑湖進畫橋遂登三山小飲鄭氏

山莊

溪亭一夜寒風作
空際蕭蕭桐葉落
客牀獨宿聞鳥啼
曉來紅日爛東閣
我友窗前忽大呼
人生過隙同白駒
杖頭有錢那不飲
胡爲鹿鹿空塵驅
沙棠之舟木蘭楫
鳧飛鷁舉輕一葉
直向城南泛鏡湖
綠波萬頃霞千疊
紆迴仄徑夾松篁
尋

雲陟嚙相扶將煙雲淡淡沒天際曲池淼淼環村莊中有幽
人子眞裔躬耕南畝絕塵世竹籬雞犬似桃源數間茅屋垣
薜荔十干沽酒喜留賓開門擁簪河之滸持螯擘脯羅百味
痛飲不覺日西淪彎彎新月城頭出暝鐘欲動風蕭瑟擁衾
高卧醉未醒百年不負此一日

朱之溥

字沛蒼號雙瞻海鹽人雍正丙午
舉人官安徽潛山知縣箸髯翁草

李蒿園曰潛山爲古皖國地高亢苦旱明邑丞常公信
爲開河三十里引吳塘水以滋其土至是久塞荒歉相
仍公下車問疾苦卽首率吏民濬之盡復舊迹歲比有
秋民爲之歌曰微苦卽之常疇貽我康徵今之朱疇恤我
瘠彼吳之塘爲鄭爲白
漠漠涓涓維二公澤

鴛湖舟中

樓南連浦澈樓北面城市隔岸望炊烟人家半雲水
輕雲閣小雨渺渺川途永歸權見漁舟烟波一蓑冷

周本孝

字慎旃錢塘諸生官武義教諭

杭郡詩輯雍正四年奉

上諭

著州縣會同各學教官將貢生生員內居家孝友行止

端方才堪辦事而文亦可觀者秉公確查一學各舉一人

見錄申報上司奏聞請旨督臣李衛欽遵舉報若干人引

以教職用

寶石鳳亭

寶石嵯峨結小亭重重梯磴上高冥壁通海眼疑流乳崖卓

雲根認墜星湖水四圍涵澹白嵐光三面送遙青天風裏擊

聞鸞吹彷彿中宵和梵鈴

范肇新

字履元號容安錢塘人著燕山江左江右滇粵諸游草

邗上

重向江南理釣綸畫船搖曳水邊村棠梨雨細逢寒食楊柳

風多下白門萬里游蹤春碗晚一帆歸夢夜黃昏飄零幕府

清時老且把愁吟對謝墩

吳一楨

宇志行錢塘人
箸筠軒詩存

草坪道中

路入溪山曲迢迢一徑偏
斷雲依野樹怪石鎖寒煙
鳥影千林隔猿聲兩岸連
旅懷何處甚風雨浙東船

施淞濤

字楓江鄞人
箸飲亭集

春曉曲

博山灰冷香燼殘
侍兒扶起拂鏡鸞
犀梳細掠雲鬢好
曉霞高映紅闌干
珠簾漫捲憑窗立
雕籠鸚鵡呼人急
露重春寒逼
海棠妃淚染紅綃溼

和弟東峽秋園寫興元韻

綠畦接舍喜相望
興逐秋光不覺忙
林射晴暉穿仄徑
草餘

朝露卻褰裳瓜藤有意牽鄰竹豆葉無心過短牆但使盡除
荆棘去便稱老圃亦何妨

周

震

字若霞西安歲貢官處州訓導

西安懷舊錄震為召孫富事重其名爭聘課讀

前塢晚霽

倉林帶寒煙初雨豁晴景鳥啼夕陽山樹浴澄潭影徑滑步
逾幽泉鳴石更靜清香落松枝滴翠霑衣領村墟樵牧歸欲
去心未忍悄立空濛中明月上東嶺

俞志虞

字廣廷建德恩貢

過獅庵

禪林寂歷喜初晴偶傍湖濱取次行折得蓼花還獨笑旋看
翠竹悟無生波平遠浦羣魚躍雲壓寒城一鴈橫正是西風

吹雨過山僧支石試茶鐺

凌大田

字康伯秀水人雍正己酉舉人官臨海教諭著豐屢齋詩集

府志大田六齡日誦千字長敏於文一日成十藝在教習館有求者立使者於庭削橐與之濠股塔在府南澄海門外其水灣曲如股塔高

十丈計七級制極工巧屹立於煙波中

清流一派曲百仞湧城濠影蕩玻璃碎風鈴柳外高

禾興館

在縣北拱辰門外舊安遠驛旁

禾興猶記古吳名北郭煙波入望青一自登臨多送遠那堪

重到俯雕甍

李傑

字又梁嘉興人雍正己酉拔貢官奉化教諭

朱緒智曰先生嘗云學校為人才所自出不可以冷官尸居取白鹿洞規課士嚴而不苛詳而不瑣學者稱廉峰先生

縉雲道中

筍輿窮百里薄暮此經過地僻人煙少山深草木多谿魚依
淺渚沙鳥逐迴波回首孤城外殘陽下薜蘿

陳象曦

字曙升慈谿人
雍正己酉拔貢

瓊臺雙闕

造物有奇斧慘淡斲天姥壁立作雙崖金闕壯旗鼓瓊臺居
其中錦翠相夾輔突兀插空虛目駭不敢俯神奇歎巨靈嶺
障任撮土恍惚香風吹鑪峰正當午萬樹燦奇葩明月照三
五對影自徘徊飄飄欲遐舉金漿調石髓丹成儻我許劉阮
亦空言神仙豈足侶但聞飛瀑聲雷轟徹雲隔悠悠會心遠
浩氣睨羣豎萬象更何有開襟自栩栩會當此安居深巖結
茅宇

施有恩

字倫如餘姚人
雍正己酉拔貢

秋望

一桁秋山外斜陽淡翠微
白荆通鳥道黃葉打僧扉
遠目從雲斷鄉心逐雁飛
還看九陌裏車馬自輕肥

項又斯

字武曠號泉亭錢塘諸生

浙人詩存先生才華為當途引重詩亦獨標新境嘗走滇黔燕趙與滇南方伯徐敬齋稱莫逆晚年游粵遂卒緝雅堂詩話武曠游粵詩如月冷呼鷺道霞標鎮海樓邱海盛名在朝野陳黎大節燭星辰結調甚壯

和顧雲堂端州寄懷元韻

羚峽貽新句迢遙隔五旬
素心懷永夕離緒寄雙鱗
水曲還

通夢山灣故遠火莫愁花氣減
舊甕早留春

丁鵬南

字鳳九號達莊相孫仁

杭郡詩續輯達莊詩所傳不多而氣體清逸如閒居云靜知茶味爽閒覺柳花香秋夜云蟬鳴兩岸樹月照半湖菱梅花云竹外一枝能獨笑松閒幾樹耐人看寫情景皆工

野塘晚眺

新晴景色滿前汀
晚立平隄望杳冥
靜澗蛙鳴兩部樂
小塘螢照一溪星
淡霞散綺明
漁艇叢樹疑
山罨畫屏
隔岸和風飄馥馥
歸來袖底襲芳馨

葉

耕字莪翁海鹽人著清嘯堂集六卷

石瀨山房詩話莪翁以警年補博士弟子員會學使調試茗溪借共事五六人同舟聞葉子吟哦聲眾環視之方成一律遂欣賞韻日可卜為詩壇宗盟也

思婦吟

邊風送早鴻
遠信曠不至
蟾子徒緣衣
燈花枉成穗
涼露泣草蟲
落梧黃滿地
玉屏記歸夢
坐起失行次
膏沐為誰容
攬鏡對垂淚
封侯豈無日
朱顏已顛顛

晚眺

徒倚金風裏登臨眺望賒澹煙籠古寺夕露潤秋花葉落千
山晚天高一雁斜獨憐多病後長自惜年華

王廷瑜

字畚堂長興人著畚堂詩草二卷

鼇山望太湖

亂石攢沙岸憑高攬具區神功疏半壁地勢控全吳賈船帆
高下煙峰色有無鴟夷眞足羨長揖老江湖

登磨盤山

平生登陟興偏饒北渚探奇未覺遙人上磨來眞似蟻馬當
盤處卻如雕直從雉堞舒雙眼欲借湖流飲一瓢小住白雲
庵尋去路性情多半狎歸樵

喻學鈔

字廷璧噸歲貢官湖州府訓導

清妙亭

花封依鹿岫攬勝築新亭飛閣連霄漢雕楹映日星抱來一水綠送入數峰青多士從公邁琴餘樂授經

謝起龍

字天愚號蕉軒餘姚歲貢

縣志起龍有毛詩訂韻東山志

張之枚曰天愚先生學殖甚富閉戶著述其俗禮解東山志毛詩訂韻諸書子秀嵐皆梓行今已散失

結友行贈公貽

結友貴結心結生更結死世態湔炎涼古意貫終始勿為陵谷移勿為聲氣使滴滴肝膽傾默默性命以修阻多山川隔絕千萬里精魂所感通呼吸仍密邇甯獨生世然幽冥亦如此骨化揚旋風神專結連理圓魄麗中天方諸孕明水感應有真機人物豈殊旨今我交如何異姓聯同體二人融一心一日定百祀熟誦審友篇結友結君子

沈昌宇

字泰叔秀水人雍正庚戌會元

石瀨山房詩話太史為升伯秋曹弟少同受業于賀進士光烈雍正甲辰舉于鄉以師與兄未雋仍共下帷課讀不上春官及丙午己酉以次捷乃就計借明年兄弟同登進士升伯授刑部主事未久終于任太史入詞垣歷典廣西河南山西諸省試提督廣東肇高學政得士稱盛

寄贈平邑侯王琢庵使君

鸚鵡鴛鴦一水清
羲之重莅柘湖城
層樓月皎光能照
九港

波平浪不生
芸閣常聞施雅化
履屨好待詣承明
三年報最

應遷去會聽棠陰話政聲

裴肇煦

字滄曉仁和人雍正庚戌進士官翰林院編修

題王滄洲先生五經遺墨卷

雲韶詞筆協鸞皇
十載窮愁老瘴鄉
珍重殘編未零落
淚痕

和墨閃戈芒

沈遇黃

字芭傳嘉善人
雍正庚戌進士

泗洲塔遠眺

矯首低青漢
凭關俯碧流
天空飛鳥沒
水渺宿煙浮
鈴鐸飄三界
雲嵐隱十洲
林陰疎豁處
遙指藏經樓

蘇大振

字依玉錢塘諸生

滌陽春游

春風吹我出郊坰
極目平蕪處處青
野店跨橋通水市
山坳圍樹隱茅亭
酒香古社逢花飲
瀑挂高巖駐馬聽
解事樵夫頻指點
引余幽勝入雲屏

趙泰

字魯瞻號湖友錢塘諸生著怡雲集

竹山閣

杭州府治西南有竹園山朱臨安尹趙與憲曾建閣其上理宗扁曰竹山閣歲久湮沒于別構

數椽以仍其古俾攷古者知所自云

數椽棲隱處傳是竹園山舊閣渺難識新筠漸可攀蕭疎清
影亂徙倚午陰閒日日北窗下翛然但掩關

訪怡雲庵

在大觀臺西
麓舊爲吳莊

精舍誰重構頽垣野蔓餘夕陽千樹晚秋水一池虛清峭存
奇石荒涼指故墟動關興廢感吟眺總愁余

秋日偕姪笠亭介亭湖隄閒步

共憐清景明湖好閒步何須竹杖扶黃葉疎風雙屐冷寒煙
斜照一舟孤眼看樓閣臨秋水夢到鶯花憶酒壚老去漫將
遊興減探梅還擬問林逋

偕陳墨樵訪朱草山房

明張慕
南宅

忽逢秋雨霽結伴過山房犬吠竹門靜人行苔徑荒層樓無

賸木

舊有三層
樓今廢

老桂有餘香坐對前峰晚雲居煙景蒼

坐雪

風峭雁行稀
頽雲凍不飛
亂飄幽徑雪
靜掩小園扉
杯颺茶煙澹
爐煨芋火微
坐深寒轉甚
向晚更添衣

秋夜旅思

待月蓬牕詠
四愁他鄉風物又新秋
蘆碕荻岸初飛雁
水淨沙平獨繫舟
客久只留鸚鵡硯
興豪空解鸚鵡裘
自憐雙鬢行如此
叢桂花香憶故邱

鍾彝鼎

字子韶錢塘諸生箸隱翠軒集

曉起吳江

秋霽月朦朧
扁舟趁曉風
鳥飛林影外
人語棹歌中
客枕餘殘夢
鄉心逐斷鴻
從來游子意
飄泊任孤篷

沈時階

字心益桐鄉諸生箸粵游詩鈔

家傳略公少能詩壯遊嶺南歷覽彭蠡匡廬羅浮諸勝
偶有所能即發之於詩故感慨激昂有不可一世之概
雨後登滕王閣

鬱蔥佳氣入蓬萊千古長懷作賦才山接衡廬天外秀星分
吳楚鏡中開馬嘶芳草王孫路柳暗紅樓帝子臺鷓鴣聲中
歌舞盡滿江風雨使人哀

范

珏 字亦蕭號石潭西安諸生

費潛傳略石潭少有文名事親孝友愛季弟析財有詩
武之風淡于仕進暇則寄情吟咏以抒寫性靈風格與
晚唐相近

題天甯寺樓

不覺在都市日來心更清繡經了一切兀坐知無生拈花古
佛笑落葉空階鳴高樓試極目遠峰斜照明

張敬業

字日乾號篁園嘉興人雍正壬子舉人考
取內閣中書官典籍著篁園吟藁六卷

在芝亭曰先生性情閒澹安貧守拙嘗願其居曰拙存
在微省十二年勤敏練察為桐城相國文和公倚重欲
薦入軍機行走力辭乃止甲申告歸優游林下又二十
年生平時不苟作亦不事雕飾獨抒性靈至其觀州
雜興淋漓悲壯又
集中一變格也

秋感

門前綠陽樹樹下有斑駁出門挂長劍惘惘欲何之步兵哭
途窮將軍悲數奇脫劍長太息請與斑駁辭
濕漉產神駒蹄輕汗流血悲風鳴蕭蕭苜蓿秋不實豈無干
里心伏漚空仰秣不逢九方臯鹽車老駿骨

觀州雜興

荒城歲晚咽悲笳風捲黃雲撲面沙漳水冰堅晨過馬燕山
樹秃暮棲鴉自憐少賤空為客如此長貧敢戀家嘹唳塞鴻
聽不得關河極望思無涯

姜天麒字龍友號復庵安吉人雍正

遊東禪寺寺在州東三哩

偶尋芳草到東禪山徑曾過憶昔年古寺半藏修竹裏老僧
獨伴白雲眠一灣鏡水前川月九疊屏山隔岸天便擬結茆
來久住迎風絲鬢颺茶煙

包之麟字石公鄞人雍正王子順天舉人官蕭山教諭著蕉雨山房集

寄黃互涵

秋來霜冷落芙蓉滿目蕭蕭賦索居日月湖邊君載酒風塵
客裏我脂車莫從塵尾頻敲句為看鴻來數問書久識傳家
經一卷仙郎才藻近何如

詹文煥改名文啟字維翰號石潭西安人雍正壬子舉人官工部主事

西安懷舊錄石潭工文翰性尤廉潔引疾歸家無儋石處之淡然

兩浙輶軒續錄 卷五 姜麟包之麟應煥詹維翰何文

三

×××

與客游青霞洞天用唐剡迴韻

陟磴觸雲動看碑忘鳥還欣與佳侶集成此一日閒寒林無
樵柯脫葉流空山

詹能績

字虞陟遂安人雍正壬子舉人官廣東始興知縣

三官堂後山修竹下映池水

地僻山深小院開亭亭翠竹傍池栽風搖碧影游鱗度月照
疎枝宿羽猜棋局何須尋澗去茶鑪宜此試泉來蕭郎有筆
能摹否合倩清流作鏡臺

何斗文

字麗天錢塘人

贈友

冷淡襟期迥不羣幽居相對只聞雲殘花時落烏皮几醉墨
頻書白練裙笥之一經堪愧我家餘四壁獨憐君偶來共踞

胡牀話麈尾橫斜到日曛

吳四古

字南田錢塘人

浙人詩存先生古貌古心以古命名亦以古自處今人中古人也

貽葉此軒

雨雨風風不斷吹高齋清課正相宜張顛草聖揮毫健米老
煙雲潑墨奇聽去鶯歌成妙曲興來茗戰敵新詩東鄰小宋

偏親近不律爭衡出銳師

余國士

字廣明號養素仁和人著白雲自治集

吳顯傳略先生為顯之祖姑丈偶儻好施有稱鄉里壽八十餘與城西名輩結齒會相唱酬讀白雲遺集皆雅裁也

雲棲

沿江僻徑到招提夾道重來古木齊架竹引泉通澗遠環山

湧翠入檐低溪雲留影知禪定梵唱穿林聞鳥嘯欲訪蓮池
舊蹤跡香臺回首夕陽西

汪先舒

字今魏號果齋仁和諸生

府志先舒休甯人徙居仁和補諸生研精經術學有本源汪由敦師事之著有穀玉類編

游香光庵

庵舊名蕊香幢

蕊香幢記舊祇園此日重來一款門聽法更無人入室傳燈
惟有月當軒虛潭水靜魚龍伏高樹風多鳥雀喧獨戀金繩
消旅思維摩坐對已忘言

柳

葵

字靖共仁和人

夏日買舟湖濱訪徐子凝先生

湖西有高士結廬水之湄清癯如老鶴琴書常自隨垂老忽
病腓閉關哦新詩我來叩柴荆荷香襲輕絺晉謁北窗下苛

禮詔勿持談詩崇正始爲余別澗淄雲山韶濩音惟翁獨得
之出門欣有獲歸途步遲遲回首兩峰外白雲無盡時

周朱耒

字象益號潛叔秀水諸生雲南試用知州著童初堂集

石瀨山房詩話潛叔木吳江人幼孤朱竹垞太史教誨成立入秀水學稍長以能詩文工箋註鳴入都館大學

詔舉

海內實學之士副都御史李濤侍郎郝林合疏薦舉未及用雍正乙巳兩江總督查弼納薦稱品端才練時已援例授知州銜又二年引

見命往雲南試用中道卒

秋涼

篷底清秋試鬪茶衫輕白紵薄還加寒蕪著雨依依碧涼雁
經風故故斜一帶壞牆知古寺數重深翠憶山家鄉園縫得
征衣絮萬里南天尙有涯

東湖春游詞

兩浙輶軒續錄

卷五

周朱耒

周鼎

毛

八十二

紅牙急拍舞前溪
驚起乳鴉唳復唳
不向柁樓高處望
那知日在杏花西

周

鼎字荆山人

題承青閣

晚霞迴合帶晴嵐
翠柏丹楓寄一龕
雁到憑闌看直北
月明篝火學和南
花閒拾級宜高履
樹杪眠雲廢短簷
檻外澄江如輞水
欲呼裴迪共元譚

袁崧墓

白楊彌望咽沙蟲
詎有旌旗矗晚風
海國浮雲常作市
墓門衰草欲黏空
穴狐背月窺藏劍
墜石經燒壓斷蓬
磨洗殘碑野老在
將軍甲仗本英雄

儲詠墓

處士星沈斗氣回荒原遺燒蟄陰雷久因樵牧驅黃犢自長
松篁破紫苔異代南村嗟漢月中原北伐委塵灰長眠不識
崖門浪誰信西陵有廢臺

袁

澄

字一泓象山巖貢
著池塘春草集

縣志澄苦志力學事王母及母曲盡孝養邑令馬受曾
剛而賢之聘修邑志主講丹山書院談詩文聲譽不倦
老厭城市設教
村舍自怡于詩
周攀序略一泓所遇不偶以詩歌陶寫性情無慷慨憤
激之詞昔人論詩云境開得長年韻遠多厚福良然

擬古

少婦入朱門粉黛恣妝飾儂自掩深闌生來好顏色
東鄰有嬌女羅綺豔衫袷不自作嫁衣情儂壓金錢

章

練

字克敬
會稽人

追次宋延清偈心寺韻

陟嶽散幽忱登高愜殊觀古徑石嶙峋荒陂水衍漫遠岫結
煙嵐危峯薄雲漢欣賞遺垢氛盤桓忘昏旦俯仰寰區中低
徊闕瀛畔溯風懷昔賢塵慮已消半年華易徂謝歲時詎堪
翫卽景聊賦詩咄咄興浩歎

徐世桓

字周雄號東野餘姚人箸龍山
草堂詩集半畝居詩四友軒詩
杭世駿曰東野詩惟陳言之務
去絕無浮靡偽體桎梏其天倪

金陵道中答柳園

一騎飛塵裏關津跋履艱秋痕收短劍山影上征鞍花老風
爲懶林深露更寒酒壚知已在強語勸加餐

黃百穀

字穉登仁和人
雍正癸丑進士

理安寺

廢寺荒蕪已百年師今結屋更安禪林如支遁堪棲鶴社似

廬山喜種蓮巖畔伐薪常易米石邊接竹每供泉詩成盡是
雲霞色不數清江與皎然

胡維炳 字其佩號蘆江鎮海人雍正
癸丑進士官福建永福知縣

舟中留別陶錫茲卽次元韻

流轉不可說蕭條得故知翦燈春雪夜賭酒短篷時雕鴉非
凡物鷓鴣託一枝倩誰綰離緒前路柳絲絲

王裕霏 字旦融號冶
山錢塘諸生

秋海棠同蘇爲谿作

爽氣來天末幽姿豔碧叢綠衣承冷露紅淚墮秋風怨女魂
猶在羈人恨與同最憐嬌不語寂寞倚牆東

吳倫 字廷彝號書
巢錢塘人

秋晚借友泛舟孤山

孤篷雲水外迢遞入浮嵐林影橫新月秋光媚碧潭高人已
長往遺跡任幽探好宿巢居閣烹茶共夜談

鄭繼坤

字子乾
錢塘人

七夕風雨

涼風疏雨斷星何欲渡還如此夕何幾處空闌勞佇望無端
良會又蹉跎蛩依綺戶吟聲急桐落銀牀秋思多為報明年
須借閨鵲橋取次得重過

沈 鉞

字鼎臣號玉亭仁和
恩貢著寓書堂集

杭郡詩續輯玉亭詩沈雄悲慨不染時習有粵游閩游
楚游燕游諸草五言如池滄前夜雨樹借隔園秋水腥
催急雨雲懶婦微陽七言如別來馬上無書達老去燈
前有夢游雁亦知寒來紫塞君偏冒雪渡黃河幽禽不
見遙相語小卉無名落又
開皆可入中晚唐人之宰

贈李茂白

我惜風塵老君加十載餘喜看游俠傳不著絕交書客路時
彈劍侯門好曳裾縱然相識滿還勸賦歸與

江臯閒步

漠漠江臯路人家遠近間麥田平若水柳岸綠於山倦息憐
黃犢低飛笑白鷗桃花驀相見春信未教還

羅

崑字友三號品三郵人

縣志崑父綱文以寫真得名崑亦工其技兼善墨竹綱文坐累將被逮崑白於官請代遣戍鐵嶺衛奉天尹優禮之遇赦歸年已五十餘父尚在復盡色養數年

渡錢塘江遇雪

大好江山近故鄉欣然冒雪渡錢塘寒潮落盡平沙遠倦鳥
飛遲驛路長偃息肩輿伴短榻縱橫詩卷壓空囊歸家莫問
清貧計暫慰離情醉一觴

烏王路

名思道以字行慈
人著游梁草

董沛曰思道參田文鏡幕

世宗

知其名於世謂中詢及烏先生安否中外詫為奇遇田
驕倨而遇思道甚恭偶值其博奕雖要事不敢強也一

上曰

此非鳥先生手筆汝不解文義豈朕亦不解耶田以思
道歲脩入千金力不能請為辭

上曰

此等幕賓雖萬金亦值得也田乃邀
思道頓首謝過遂復留卒老於幕中

三門砥柱歌

黃河水自天上來中流特起三門開三門峯嶺雲峰插百尺

玲瓏雪瀑堆朝擎紅日撐西走夜有靈光射星斗森森奇鬼

眼前搏隱隱晴雷耳底吼泰山巍峩未可保此石中立無時

倒根盤不避狂瀾搜枝勁偏經怒濤掃陽侯讓道趨如梭馮

夷欲撼奈力何鯨鯢斂翅藏深窟蛟龍不敢相盪摩兩閒元

氣此鬱結太行潼關左右列天教巨石鎖洪濤從容再向海

門洩

徐文燮字靜揚號句餘山人
餘姚人箸句餘詩草

暮遊孤山

日落湖隄淨孤山問早梅樹憐殘雪後香過斷橋來古墓雲
初臥空亭鶴未回惟餘一片月素影介蒼苔

謝應龍字雲從
太平人

三山歌

三山山色高嵯峨下有百尺鱗鱗波潏洄盤曲三十里其勢
趨下如淖沱瀉出長潭澌浩渺饒州令尹居繚繞茅山之島
勝十洲贛州太守坊猶留洞橋水深不可測龍湫飛下練紋
織鬱蒼鄧林翠欲流畫出桐川人不識

徐爾燮字會清號調夫德清人雍正乙卯
解元官富陽教諭著三恕堂詩稿

縣志爾變少有至性年十四喪母以頭觸地至流血被面侍祖母疾衣不弭帶二十餘日待弟恩誼甚篤所分產悉以讓之

感懷

委懷不為戀邱園入世無緣且閉門自信生平空俗累好留

清白與兒孫

嚴錫綬字鹿湖餘杭人雍正乙卯舉人

家傳略鹿湖童年喪母謹事繼母吳年十五入泮登薦後由教習宰安邱適水旱頻仍繪圖上告蠲其賦稅民困以蘇勸學重儒以祛華崇實為務滿三載以抗直忤郡守拂衣去攀轅臥轍者至數十里觀祭使重其人留主松林講席凡五年多所成就性豪邁喜飲達旦不達又或高談雄辨或賦詩遣興不以得喪動其心其曠如此

秋月

露冷風清一味秋自攜長笛倚高樓蟾輝今夜十分滿不倩

吳郎玉斧修

翁

雲字溪筠號雁嶺餘姚人雍正乙卯舉人官國子監學錄著甫集草

舟行口號

幾度蘭芽鬢禹穴兩年寒食在山陰鄰家夾岸依垂柳隔清
方塘遶竹林別澗遠從青嶂落片帆遙渡白雲深同遊盡是
思歸客日暮還為莊舄吟

方錫綱

字孟常遂安人雍正乙卯舉人棟選知縣箸剪雲樓雜箸左傳類編

姚孝子歌

名鳳翔

姚孝子挺一身涉萬死寒鋒烈焰過卽銷歷劫不磨姚孝子
何物將軍虜似虎誤焠羽書赫然怒父命須臾懸鎖斧奔號
皇駭乞身代以首觸階血如注刀鋒幸脫鄰火發其勢滔天
不可越衝煙負父忘其身此際須知有鬼神嗚呼孝子孝行

何所虧周旋二難事尤奇況乎孺慕老弗衰至誠感格墓產芝克昌厥後復奚疑

邵

字開先號晴牧仁和

杭郡詩賦精牧言動以禮自閑髻齡隨父天台廣文署中值山雨驟溢洪流入城僕媪皆諱走晴牧獨披母以兔相傳後為蕺山神翟晴江哀舊詩云文曹未通籍真字乃磨爵煙幢導雲車葢山真靈魄蓋用其說矣

眾安橋

豫讓終危趙荆軻誓擊秦三年埋碧血一劍泣孤臣氣壯河

山色天成鐵石身至今橋下水流恨為何人

朱

字及齋歸安人雍正乙卯副貢著偶吟草

飲酒和陶

窮居罕適意對酒輒冥情醉鄉無何有何有世上名邈焉曠萬類嘯歌足此生天空鳥自得淵深魚不驚大造甯拘拘靜

躁隨所成

每愛出郭遊孤峰聳城隅林壑窈以深坦步無危塗修竹我
旁立清風我前驅隨遇心焉役任真樂有餘忽聞空谷嘯感
彼隱者居

紛紛空諸有所性乃可得庸人動自擾達人固不惑此中本
至足我生何通塞把臂無懷民遊處華胥國陶然抱甕眠我
以守我默

歸園田居和陶

寄興不在遠閉戶卽深山孰謂適我性而必皇古年鳳已老
丹邱日難返虞淵讀我少時書耕我郭外田寓形寰宇內徘徊
鴉啄問不知我生後焉知我生前浪莽隨大化矯首俯雲
煙有鶴或在林跛羊時躋巔征途多擾擾桑者自閒閒抱朴

是所珍我還我固然

洪義荆

字芳洲號怡亭餘姚人雍正乙卯順天副貢官江蘇山陽縣丞

津門冬杪

積雪封書屋庭前虛白生撥灰書悶字按劍抑豪情臘盡春花破衾寒獨睡清淨生苦碌碌未敢計歸程

渡揚子江

初夏江天曉雲紅海日生駕潮雙槳急挂霧一帆輕砥柱金山小分流雪浪平遙瞻雄鎮處鐵甕舊時城

曲映台

字上公錢塘人著萍舫偶草

春日偶成

平明風起海天遙雨打桃花太寂寥知社燕來春已半銜泥無力墮平橋

謝緒章

字漢偉號北溟鎮海諸生著見山集

董沛曰先生與鄞李東門噉萬西郭承勳慈谿鄭南谿性稱四明四友刻四明四友詩行世阮文達錄三友詩而獨遺先生茲為補入

過化城寺午飯用司空圖韻

踏露出山坳前蹤記歷歷忽然入化城深林無片石松下對
僧談晚菊豔幽寂雲堂過午鐘翦蔬重飯客

同人邀萬管村先生集光溪在澗樓分韻得魚字

溪山有約及春初淡日微烘宿雨餘乍見葉低驚去鳥未應
水冷禁游魚興亡自定千秋案得失惟憑百卷書先生嘗與修明史

聊復雞豚修社飲東南會指聚星廬

俞洵騶

字冀超新昌歲貢官松陽訓導著南梓偶集

遊山寺

碧峰來叩寂幾曲上雲堂苔發寒泉冷風檐舊鉢香天高雲
欲淡山晚樹能涼坐覺塵囂遠松陰暮色蒼

秋日卽事

離思變秋色寒花日漸稀谿樓泉繞枕山館鳥窺帷西園時
零葉東鄰屢搗衣歸心不可問夢與白雲飛

程

川

字郵渠號春曇錢塘人雍正乙卯拔貢乾隆
丙辰薦舉博學鴻詞官河工主簿著運木集

吳顯傳畧郵渠先生志慈詞瞻下筆千言當時有才
之月嘗作五鳳樓賦組織工麗山陰周元牧尤賞之所
著有朱子五經講類
五經文類春曇文集

發華石山

鬼斧分西華天生一削餘懸厓初拔地流水自成渠
擊石寒

松老留雲秋壑虛會當發幽興卜此數椽居

謝善祚

字明則鎮海人
雍正乙卯拔貢

牆上竹

牆頭數竿竹搖曳寫清陰晚弄月華瘦叢含霜氣深迎秋涼
可挹照硯綠微侵借作虛心友聊橫石上琴

應湖穎

字伯霖黃巖人雍正乙卯拔貢著蘇苑詩鈔寓遊集

春日借徐溶川趙南韶項再庭游委羽

一路尋仙迹行行到羽山白雲迷洞口流水入人閒鶴去遺

風翻丹成見大還長生如有藥願得駐衰顏

王玉生

字欽美黃巖人雍正乙卯拔貢官松陽教諭著燕京雜詠

縣志 玉山生學問淹博善訓迪捐葺學宮
修建齋房悉出清俸人咸服之能詩

題松陽許氏淦水園

茂林幽綠畫春煙許子襟情似散仙雙蝶逐花迎客入一鶯
嘯樹攪人眠簾閒雨過收書乍琴外星明得句先自笑冷官

攜謝屐不妨呼酒柳亭邊

徐金位

字西垣常山雍正乙卯拔貢官湖南桂東知縣

縣志金位改官河南新野有水患疏川通渠以達于河沿河築隄民不知勞水不為災治夏邑如新野歷任十縣皆一縣皆有惠政

贈石崆寺僧志參

定陽古石崆琳宮廣數畝周遭鬱崇岡石瀨環腋肘立師初
結茅上人嗣其後詩如唐文暢作字摹小柳昔余此讀書雅
稱方外交雲來酌茗椀月上詩脫口比年均作客閒闊日已
久我乍北方歸師來自江右歡敘風雨情推敲戶屢叩羅列
齋廚珍芋栗雜蓮藕興來躡林亭自午忘及酉巖深仙子窟
何必江湖藪白鶴去不返古松仍蚶螺總角猶眼前倏忽成
老叟富貴草頭露吾道自不朽山林有餘閒虛向紅塵走

褚鳳翔

字愚一又字大愚嘉興諸生著大愚集

續橋李詩繫大愚賦吟詠隨帶古錦囊盛盛楮墨乾隆初

與里中汪弋高張瓜田篁園諸名宿作者老會蔣布衣

儀正為繪圖白為

記一時傳為盛事

黃雀一何微力弱難奮飛野田有粟不充饑上林有枝未許

依且從籬鷄息勿羨山雉肥詎無垂天翼黃雀一何微

丁正中

字上卿松陽貢生著素園詩集忘年草

府志正中善屬文尤工詩貢太學文名藉甚授山東嶧縣縣丞不赴種竹蒔花與諸文士詩酒盤桓終其身

山居

早離韁鎖入山阿竹影松陰樂趣多無意讀書聊借枕有時
長嘯偶成歌愛餐筍蕨盈瓷缶閒采榛苓煮瓦鍋欲落斜陽
留不住換將明月照藤蘿

韓玉儉 字豐毅號楓谷上虞人善無菴集

送子琢之皖城

風物悲行客江山足勝遊河橋煙外舫楊柳水邊樓采石千年月天門萬里秋奚囊佳句滿先寄竹西頭

趙登高 字玉九號育九上虞增生

和辭先天鄴中懷古

建安宮殿久消沈疑冢纍纍自古今百里荒煙埋斷瓦千秋落日照寒隄侍中不死沾衣血丞相徒生賣履心饒有韓陵一片石綠蘿蒼篆尙堪吟

朱鵬圖 字翔仲號寓庵上虞歲貢著浪雪草堂詩藁

江干晚泊

日暮江天淨蕭條客路長蘆花兩岸雪楓葉一林霜飢雀喧

荒浦疏煙帶夕陽扁舟棲泊處遙指說南昌

陳于前字獻若上虞歲貢官錢塘訓導著豈我齋文集

陶潛宣曰君幼孤露自號豈我終身引以為病尤重行誼彭學使啟豐深器之常曰陳先生粹然儒者今之陸平湖也陳其疑視浙學時錢塘某童試畢歸家招覆後至陳怒甚疑有弊親鞫之欲加刑君偕同官力為祈免不可君抗聲曰公提學非提刑也

陳素耳君名為降坐改顏謝之

吼山雲石用坡公佛蹟巖韻

天帝忽隕石欖槍失其股靈山夜一吼驚墮如鵬羽橫膺懸峭峯風雨雜吞吐女媧手靈怪琢削無能補飛擎出露盤霜雪滲不乳兀立壓秦鞭蒼海錐猶斧武夷鐵作船榔山金盡土孤根厚地插鼉背止并舞月匠閃刀鋒鏟出神且武瘦骨力扛鼎巨人直一拇飛電走金蛇身輕不著雨峽險永鎮犀岐陽狩刻鼓誰如玉皇豪榆樹植天府牛斗守不定落地猛

虓虎岷柱此一方
猿獠絕戲侮頭項強
不折日輓天狼弩
狐鼠城社憑昂頭
莫敢睹昔時有曉將
遇石思搆取雲霞盡封
護塵世誰賓主
或者仙宮人移置蓬萊園

徐

凱 字彰彝上虞監生侯選通判著游塞途詠

榆林

東郭山屏列西城水鏡開
人家園古寺樹色閒樓臺
天使隨星轉征鞭策騎來
凱歌餘蹟在緬想獨徘徊

戊戌塞外元日

賸有殘冬未到春
流年卻換一番新
歡聞立堡趨黔首
頌起屯田仗老臣
山雪如梅光豔豔
羊酥似酒味津津
塞垣遍是昇平象
不用星傳露布人

徐斯敏

字有功號虞南上虞廩生著雙石軒詩草

管溪

白水丹山卓翠霞，石龍溪鹿賦環沙。
兩朝甲第自千古，四面亭臺總一家。
秋冷邨邨收芋栗，春晴處處熟桑麻。
聲名自昔推高士，依舊文章蔚國華。

施其恂

字子厚，上虞諸生。官衛千總，著配園草。

緝雅堂詩話：子厚以才士屈志，未弁自述詩，選臆而出，足紆抑塞。其閒居襟詠，有云：官從初作好，貧到久來安。頗近風雅矣。

自述

清白世相傳，遺經手把讀。
負郭無一邱，妻兒苦枵腹。
仗劍事遠遊，鳥道窮荒服。
酸風吹我衣，飄然來海曲。
局促轅下駒，俯首邀微祿。
傍午禁竈煙，隔牆借鐙燭。
親舊多冷眸，上官好威福。
唾面每自乾，剝啄等魚肉。
慨然欲長鳴，網羅隨處觸。
彼蒼

固難知世情何反覆李廣失貴臣卞和別雙足抱關侯羸老
詩客杜陵黷明哲遭迍邐亘千古同一局感此長愴神去留安
可卜故鄉魂夢中隍蕉且覆鹿